



Universitätsbibliothek Paderborn

**Epistola Responsoria R. P. Isaaci De Bruyn Societatis Jesu
Ad Eximum Dominum Martinum De Svvaen S. Th.
Doctorem Lovaniensem &c.**

Bruyn, Isaac van

[Verlagsort nicht ermittelbar], 1693

§. IV. Scopus quartus, quem Eximus non tetigit.

urn:nbn:de:hbz:466:1-40327

dest : Nam vel prudens , fundatum ; & verum est hoc judicium , vel falsum : si verum , & illud agnoscas , errorem tuum prodis , nec , quod pessimum est , haec tenus detestaris : si falsum est , effice id quæsto quamprimum argumento quodam solido , & unà declarare gratiam per se efficacem à Janseniana diversam statuere , tum demum rem efficeris Viro dignam , neque chartæ facies & temporis dispendum , ne addam nominis , ut fecisti haec tenus . Sed vereor , ut ad conatum adeò laudabilem assurgere tibi animus sit : Quà enim ratione posses à Jansenio tuo avelli ? Nihil tu ipse magis amare videris , quam istam affinitatem , si non judicio tuo identitatem , inter Jansenianam gratiam , & eam quam Thomisticam ad declinandam invidiam , nunc quidem appellare mavis , ita plus satis tua prodit tergiversatio . Plures sunt è maximè devotis Iansenio , qui ex quo tempore didicerunt non ita ex voto rem suam Romæ agi , hanc nobis cantilenam occinere cœperunt : paratos se , & in formulam Alexandri jurare , & ejurare quidvis , modo detur , & liceat sibi securis , gratiam per se efficacem defendere . Quo pacto ita volunt ? Nisi , quia sentiunt , salvum sibi manere suum Iansenium , quandiu salva maneat gratia per se infallibiliter efficax ? Mihi quidem hic eorum sensus displicet , sed an tibi non probatur Vir Eximie ? Sin minus probatur , agnosce amabo , & paulam doce inter gratiam , quam Thomisticè per se efficacem vocas & aīs te profiteri , & illam , quam Ianlenius asteruit , verum quoddam discrimen intercedere . Quandiu huc non eniteris , vides opinor , quomodo ex illo tuo scopo , quem attigisti , & quà ratione scopos sexcentos alios , negotio non majori posses attingere , immisla sagitta in te resiliat , & plagam tuam non sanet , sed exasperet .

§. IV.

Scopus quartus , quem Eximus non tetigit .

IS erat scribis §. 9. ostendere quid mali natum sit in Ecclesiam derivari ex illorum sententia , qui ex constitutionibus Pontificiis inferunt dogma gratia per se efficacis damnatum esse . Mala autem illa deinde sex enumeras : singulis aliquod remedium lubens præscribam , quamquam & hic scopus , quemadmodum proximè superior , spectet ad scopas dissolutas .

PRIMUM MALUM.

Est diminutio Auctoritatis SS. Augustini & Thome.

Respondeo, timor hic est panicus Eximie Domine: vel enim me tuis, ne vilescat utriusque Sancti Doctoris auctoritas apud Catholicos, vel apud Heterodoxos, vel apud utrosque simul: apud nullos autem eorum periculum est vel minimum, quod sic evinco: Agamus primo de Catholicis, de illis enim æquum est, ut magis solidi simus. Catholici isti omnes, qui proscriptam esse existimant doctrinam de gratia per se efficaci, simul existimant, & tuerentur mordicus doctrinam istam neque Sancto Thomæ uspiam neque Augustino placuisse, quare nullum periculum est, ne apud eosdem Doctorum istorum, quos à se stare credunt, vilescait auctoritas. Iam videamus de hæreticis: Nihil illi tribuunt Pontificum constitutionibus quibus non obstantibus clamabunt Augustinum totum esse suum, ut clamabat Lutherus: fidei professionem ex ejus avulsi & male inter se commissis laciniis contexent, ut contexere se posse gloriabatur Calvinus, sibi indent cognomen Augustini, ut sibi indidit Wicleffus: uno ore clamabunt, se esse Thomistas, ut in libro adversus Scultetum clamat Petrus Jurius & hoc semper habebunt magnificum & ingens, ut Pontificum Sanctionibus opponere possint magna Augustini & Thomæ Nomina: undè ergo vilescait aut periculum ullum subibit Sanctissimorum istorum Doctorum existimatio? Patet itaque quod dicebam, timorem hunc planè esse panicum. Quod si jacturam aliquam nominis aut autoritatis pati possent Augustinus & Thomas, certè non aliundè eam paterentur, quam quod in damnatorum dogmatum patrocinium maleferiata quædam ingenia utrumque reluctantem trahant, & in hunc finem interdum ita extollant immodicè, ut cum Pontificiis Decretis non tantum committant, sed ipsis æquare videantur Scriptoribus Hagiographis dum non tam Augustinum & Thomam, quam sua somnia venerantur, quæ sub eorum umbra securè depereant. Hos insectare, his irascere, Iansemium tuum exagita, invade Arnaldum, non eos, qui Thomam & Augustinum Ecclesiæ Romanæ, Innocentio X. & Alexandro VII., ut eadem sentientes, vindicant, sed non ausis pugil Batave, qui si animi tui sensa, quæ nunc silentio aliquousque prodis, apertè exponeres, ipse fatereris ac contenderes, Augustinum & Thomam, Iansemio patrocinari in damnatis

natis suis articulis , in quo si fallor , falsitatis me redargue , quod non facies , nisi pertinaciam ponas. Ex hoc oritur quod metuis.

SECUNDUM MALUM.

*Estque Confirmatio Acatholicorum calumniantium ,
Ecclesiam Romanam damnasse doctrinam S. Augu-
stini & quod pejus est S. Pauli.*

Respondeo : hæc credo te , tuosque religio tenet , quo minus ju-
dicum submittatis constitutionibus Pontificum , quâ parte sen-
sum Jansenii damnant : nam ut testis est è tuis aliquis Auctor libelli ,
cui titulus : *Reflexion de Religion & d'etat sur le Formulaire &c.* pag.
8. & 9. si solenniter profiteamur cum juramento sensum hereticum , in
quo V. Propositiones damnatae sunt , esse sensum Iansenit , agnoscendum
erit doctrinam S. Pauli , & S. Augustini , in materia de prædestinatione
& gratia hereticam esse. Pergit ad finem paginæ 9. Apparet ex lectione
Iansenii , ejus doctrinam non esse aliam , nisi illam , quam S. Augusti-
nus sustinuit contra Pelagianos: atque ea unica ratio est quare Religionis
Zelatores (nonne & tu ex illis es Doctor Eximie ?) Quare inquam
Religionis Jansenianæ Zelatores tanta cum firmitate recusent agnoscere
V. Propositiones in sensu damnato esse Iansenii : neque hoc unius tan-
tum de communi Janseniano grege judicium est : lectionem eam jam
pridem veteranus factionis Magister Arnaldus præscripsit in apologia
Jansenii in præfatione ita docens : *Doctrina Irenensis Antistitis , non est*
alia , quam S. Augustini. imo quod ibidem subdit: non potest sine volun-
taria , & portentosa pertinacia negari , propositiones Baii ; quæ reperi-
untur in Iansenio , esse puncta capitalia doctrinæ S. Augustini: & iterum:
Augustini doctrina per Irenensem Antistitem potentissime stabilita est. De-
nique Iansenius clarissimè & solidissimè explicit calestem S. Augustini
doctrinam super materia de gratia. Et erit post hæc aliquis , qui citra
immanem calumniam in Romanam Ecclesiam , asserere possit , per
constitutiones Pontificias proscriptam esse Jansenii doctrinam , quæ , ut
idem Arnaldus ibidem scribit , non est alia quam S. Augustini ? Quid
hoc aliud esset , quam confirmare Acatholicos , dum doctrinam Janse-
nii (quam nil nisi Paulum & Augustinum spirare dicunt) expro-
brant à Pontificibus esse damnatam ? Quid inquam hoc aliud esset ,
quam Paulum & Augustinum cum Pontificibus committere ? nam ,

ut

ut iterum Arnaldus repetit: Iansenii propositiones damnari non possent tamquam heretica, aut tamquam erronea, nisi Sacra Sedes & tota Ecclesia de approbatis erroribus, & heresisbus accusentur. Huc metus tuus prospicit Vir Eximie, ne, si ostendatur, doctrinam tuam de gratia per se efficaci, quam non audes asserere diversam esse, & hoc silencio satis prodis esse eandem cum doctrina Jansenii, si inquam ostendatur illam Pontificis decisionibus esse contrariam, contendant inde Calvinistæ, quibuscum agnoscis in hoc punto plenam tibi esse concordiam, Pontifices hanc doctrinam in Jansenio proscribentes, opposuisse se Pauli & Augustini placitis, atque ita quo hunc scopum magis promoves hoc altius Janseniano luto te immergis. Malo huic medium præscribet responsio sequens.

TERTIUM MALUM.

Est obſtaculum conversionis prætense Reformatorum.

Respondeo: studium & zelum tuum probo Vir Eximie, modo sit secundum scientiam. Recte facis, cum de tollendis obicibus, qui fratres nostros devios remorantur, tam sollicitè cogitas. Verum malos medicos imitari videris, qui ægris indulgendum existimant, quidquid appetunt; subducendum, quidquid aversantur. Putasne tam mirificè te levem esse & misericordem, cum tam multum judicas hæreticis esse tribuendum? Ego crederem crudelem esse me, si essem sic misericors. Si hæc te agit misericordia, cur non das hæreticis, quod ipsi se ex Paulo & Augustino invictè confidere plenis buccis gloriantur, nulla esse hominis in hoc statu æternæ vitæ merita? Ita ex Iansenii, & Arnaldi tui, tuisque principiis manifestè se colligere jactat laudatus à te Iurius, in colligendo hic minimè infelix. Cur id non indulges, & illo indulto, cur non sis æque liberalis in cæteris, pro quibus nomen & Pauli & Augustini usurpant? Ita multiplex fiet ad vos Calvinistarum accessio, aut vos verius ibitis magnis passibus ad ipsos. Permitte interim, ut medici longe peritioris, & ab Ecclesia approbati ego instructiones sequar. Is est S. Ignatius, ne exhorresce, Vir est mitissimus, & summo ardens hæreticorum amore, licet hæreses oderit odio vaticano, & simile semper odium filii suis inspiraverit. Is in aureo suo de exercitiis spiritualibus libello quoad omnia à Paulo III. approbato hanc inter cæteras regulas *ut cum orthodoxa Ecclesia verè sentiamus* decimam septimam tradit his verbis. Neque iti-

dem prædicandæ , & inculcandæ gratia Dei usque adeo insistendum , ut serpere inde posse auditorum animis lethalis error , negatâ liberi arbitrii nostri facultate . De gratia ergo ipsa diffusè quidem loqui fas est , Deo aspirante , sed quatenus in gloriam ejus ubiorem redundat , idque juxta modum convenientem , nostris præsertim temporibus : ne & liberi arbitrii usus , & operum bonorum efficacia tollatur . in iisdem regulis multa saluberrima contra lapsos in fide præscribit remedia , & inter cætera quædam tuo morbo curando peridonea , quale illud est quod Regulâ primâ præcipit : sublato , inquit , proprio omni judicio tenendus est semper paratus promptusque animus , ad obediendum vera Christi sponsæ , ac Sanctæ Matri nostræ : & decimâ tertiatam quam summè necessarium injungit , ut ipsi Ecclesiæ Catholice omnino unanimes , conformesque simus (audi quoque) si quid , quod oculis nostris apparet album , nigrum illa esse definierit , debemus itidem , quod nigrum sit pronuntiare , immane quantum ab hac obedientiæ cæcitate hactenus distas Eximie , & tamen ea necessaria est , ut cum orthodoxa Ecclesia verè sentiamus . Attende quæso rationem quæ ad cæcam hanc obedientiam , Ecclesiæ filium movere debeat & his verbis subnectitur : indubitatem namque credendum est eundem esse Domini nostri IESU Christi , & Ecclesiæ orthodoxæ , sponsæ ejus spiritum , per quem gubernamur , ac dirigimur ad salutem . Et huic spiritui tu auscultare detrectas & solenniter definiti fidem habere renuis : sed de eo actum est supra , illud unum modò vovo , ut hæ regulæ medicina tibi sint ad salutem . Nunc ad propositum redeo . Miror & doleo Vir Eximie , id à te recenseri inter obices , & obstacula , quo nihil orthodoxis scriptoribus visum est aptius ad applanandam viam . Estne obicem ponere fratribus , ad Matris suæ Ecclesiæ Romanæ gremium reversuris , manifestè illis ob oculos ponere fœdos Lutheri & Calvini lapsus in materia de gratia & libero arbitrio , in qua Paulum & Augustinum suos esse falsò glorianter ? Ego hactenus existimavi , & etiamnum existimo , id esse obicem tollere . Estne obicem ponere Iansenium , quem , ut Calvini sui sincerissimum interpretem venerantur ac suspiciunt , cuius lectione in suis se placitis confirmari palam afferunt , solidissimis rationibus impugnare , & plures in ipsam veritatem impegisse , luculenter ostendere ? Estne obicem ponere , sententias commentis Iansenianis affines ablegare , tamquam non dissimili aspergas fuligine ? Quid quæso magis , aut æque errabundos illos , potest ad nos pellicere , quam si vicerimus illos in errore manifesto verlari ? Et tu adhuc quereris obicem à nobis Heretodoxis ponи , quo minus redeant ad matrem , dum sententiam de

gratia per se efficaci tuo sensu intellectam , quam non auis agnoscere esse aliam , quam , quæ à Iansenio asserta fuit, impugnamus eo modo , qui illius errori directè oppositus est ? Audi quid de hoc negotio censent Academæ nobilissimæ Moguntina & Herbipolitana , de reducendis hæreticis , quibus circumcessæ erant, maxime sollicitæ , quæq; reducendi artem longo usu dididerant. In litteris ad Clementem VIII Herbipolitana sic pronuntiat Beatisime Pater, Pontifex maxime, inaudivimus in hac Academia nostra Herbipolensi inter nonnullos Theologos Catholicos , non ita pridem excitatam de divina gratia vi , & efficacia controversiam modo in Urbe tractari , valde dolemus è dono gratiæ alias homini ad pacem dato , controversiam moveri ; veremur etiam ex hac parva scintilla , magnam in Ecclesia flammarum , quam Deus clementer avertere dignetur , oriri posse ; utinam & sectarii in Germania , quando ad eos fama deferetur , aliquot è Catholicis Theologis opinari , per divinam gratiam sic hominis prædeterminari voluntatem, ut nequeat cum ejusmodi motione adjungi dissensus, non magis consermentur in sua semel errans sententia concepta de libertate nobis per caelestis gratia potentiam erupta &c. Moguntina vero Bellarminum & Stapletonum impensè laudat, quod viam illam institerint in revincendis Calvinistis, quam ego probo maximè , tuque improbas. Constat, scribit ad eundem Pontificem, Doctissimos quosdam Theologos , nominatim Illustrissimum Cardinalem Bellarminum , & Thomam Stapletonum , sententiâ illâ , quam Molina sequitur, nixos , Calvinianorum dogmata hactenus evertisse , & Concilii Tridentini sanctiones , defendisse , quo præsidio si destituti fuerint , tum ingens apud Catholicos obvietur scandalum ; tum causa præbebitur Calvinistis quasi de parta contra nos Victoria triumphandi &c. Liceat his domesticum adjungere testimonium Doctissimi Suarezii qui illam expugnandi , & convertendi hæreticos methodum , tamquam aptissimum instrumentum , inspiratam S. Ignatio existimat & ab eo dimanasse in universam Societatem, quam speciali modo elegit Deus , ad devios à fide , in viam salutis revocandos , ita scribit tom. 4. de religione lib. 9. cap. 5. Occasionem sumo advertendi zelum , quem nunc habet Societas , rectè explicandi concordiam gratia cum libero arbitrio , & convenienter loquendi & accommodatè ad resistendum Lutherò, aliisq; hujus temporis hæreticis , eundem fuisse in Patre nostro Ignatio , & vel ab illo in Societatem manasse , vel eundem spiritum , qui hanc religionem movet ad resistendum hæreticis , hujus esse doctrinæ auctorem. Ita illi senserunt , quorum prudenti judicio plus defero , quam inani tuo timori. Vis ex me intelligere , qui potissimum hæreticorum ad veram fidem

con-

conversionem impedian? Loquamur quod res est : illi ponunt obicem (ne dicam , tu ponis) qui Calvini in hac parte probant dogmata, qui triumphi materiam probent , ex qua de nobilium , nec paucorum ad se papistarum accessione verè glorientur : cur enim , inquiunt, Samuele Maresio Duce in Apologia pro Jansenistis contra Romanum Pontificem & Jesuitas , cur non recte sentiamus in cæteris , quæ Papistæ oppugnant , qui recte sensisse nos hactenus in uno ex capitalissimis dogmate , fatentes habemus ipsos Papistas , quos antea inimicos senseramus : pergent modo Augustinum volvere eâ , quâ cæperunt diligentia , mox nobiscum conspirabunt in iis quæ de Cæna Domini ca constanter credimus , neque major difficultas erit de cæteris. Hæc illorum non inanis gloriatio : sed pergamus. Illi ponunt obicem , qui communem Matrem Ecclesiam fastidiunt & in Romanos Pontifices irreverentes sunt. Reducere ad Matris gremium Heterodoxos cupis. Laudo. Sed vide , ne quos unâ manu reducis , abducas , & seducas altera. Certe non video , quid magis possit abducere & seducere , quam , si te ipsum intelligent , Theologum esse non tam Romanum , quam Jansenianum , & cui constitutiones Pontificiæ graves sint. Si te ipse amas , & proximi conversioni studes , per salutem tuam oro te , audi Christi Vicarium. Qui Christi oves sunt vocem ejus audiunt. Romanis aliquid plus , quam Lerdamensibus oraculis tribue. Quod ni facias frustra aliquem laboris tui fructum expectas , & quod plus est , animam ipse tuam , quâ nihil tibi potest esse carius , præsentissimo exposuis discrimini. Utinam verbis hisce meis , quæ mihi singularis in te amor dicitat Vir Eximie , tam potens cælestis auræ sibilus aspiret , ut obicibus omnibus altior , quos Magistrorum tuorum auctoritas , amor gloriæ , qui que homines retrahit à palinodia pudor , solet obvolvere , veritati tandem manum utramque des , ita non tibi soli , sed quos reduces , fratribus proderis plurimum. Hæreat altè infixa menti tuæ hæc Christi vox : quid prodest homini si Universum Mundum lucretur , animæ verò sua detrimentum patiatur ?

QUARTUM MALUM.

Sunt , criminaciones injuriosæ & persecutiones adversus gratiæ per se efficacis defensores , illos etiam , qui Jansenio minimè favent .

REspondeo. Injuriosas criminaciones odi cane pejus & angue : sed quis criminatur ? & ut tua phrasí utar , quis persequitur gratiæ

F 2

tiæ per se efficacis defensores , qui Iansenium apertè ejurant ? Thomistæ hic designare cupis, ita colligo , quis eos iniquè vexat ? Non diffiteor bella quandoque scholastica gerimus , sed amica , quæ potius ad scholasticæ militiæ exercitium faciunt , quam ad dissensiones animorum, gladiis obtusis pugnamus, neque ullum vulnus infligimus. Thomistarum doctrinam censurâ notari vetuit Roma , prompti paremus , notâ nullâ afficimus. Nescio undè tam meticulosus tu sis Vir Eximie , qui Magistrum habuisti cognomento *intrepidum*. Poëæ hunc timorem res Thomistarum est in vado.

QUINTUM MALUM.

Turbæ frequentes variis in Ecclesiis successu temporis cienda.

Respondeo: definant Iansenistæ esse publicæ tranquillitatis perturbatores , quales illos testatur Alexander VII. Ponant contumaciam, & mali isti corvi , pejora ova non excludant , redibit sua Ecclesiæ serenitas , non facilè deinceps perturbanda , nisi videremus , & longo observassemus usu , hæresim ex hæresi semper nasci , & novi aliquid monstri subolescere , ut ex Calvinismo Iansenismus prodiit , ex illo Quietismus , quem in cunis gaudemus esse extinctum utinam materia illa non sit secundò fæcunda !

SEXTUM MALUM.

Indignatio S. Sedis.

Hanc tu Vir Eximie , hanc fæderati tui & *Supplicantes* curant scilicet : hanc metuunt & quidem alpibus interjectis, qui, quod alpes transvolat , non pluris faciunt , quam inane murmur , quo imbellies animi territantur , vel potius , qui alpium oppositu vaticana fulmina penitus comminui garriunt ut non ita pridem ex tuis symmissis aliquis scribebat : indignatio S. Sedis Ex: Martinum de Swaen sollicitum habet : quis credat ? Ex: Domine nulla metuenda est S. Sedis indignatio iis , qui decreta ejus nabo non suspendunt adunco , sed suspendentes publicè redarguunt , & verbis & exemplis ad debitam reverentiam compellunt. Si iratam habere verè times S. Sedem , statutis ejus crita exceptionem obtempera. Nunc reliquos duos scopos tuos inuestigemus ac videamus num felicius in eos collimes. §. V.